

Nuuk, 22. februar 2010

Inatsisartut suleriaasianni § 36 immikkoortoq 1 naapertorlugu matumuuna Naalakkersuisunit apeqquteqarpunga, ima ittumik:

Naalakkersuisut aaliangerpaat Namminersorlutik Oqartussat Inuussutissat nalunaaqutsersuinermi pillugu akuersissummut nalunaarut Upernavimmut, Uummannamut Tunumullu atuuttoq allangortissallugu immikkut akuersissut qaammatini pingasuni atuussimasoq qaammammut ataasiinnarmut atuuttussanngorlugu. Aaliangernerullu kingunerisaanik maanna inuussutissat tusind-kronerpassuarnik nalillit eqqarneqartussanngorlutik, siumoortumik naalakkersuisunit allangortitsiniarmik aarlerisaarisooqarsimannginnerata kinguneratigut aammalu nioqqutissanik inniminniinginnermi nalunaarutigineqarsimannginnerata kingunerisaanik. Sooq ilisimatinneqaaqqaarsimanngillat? Allakkatigut naalakkersuisunit ilisimatinneqarput aaliangerneq isumaqatiginngikkunikku sap. Ak. 4-it qaangiutsinnagit maalaarsinnaasut, taamaasiorsimappullu akineqanngitsumik. Sooq akineqarsimannginnersut apeqqutigiumavara.
(Inatsisartunut ilaasortaq Aleqa Hammond, Siumut)

Tunngavilersuut:

Inatsisartut Tunumi paasisassarsiorluga angalaninni pulaakkama ilagaat Pilersuisoq Tasiilaq. Ilisimatinneqarpunga Namminersorlutik Oqartussat inuussutissat nalunaaqutsersuinermi pillugu akuersissummut nalunaarut Upernavimmut, Uummannamut Tunumullu atuuttoq allangortinneqartoq.

Allangortinneqarnerani qaammatit pingasut atorunnaarluni maanna qaammat ataasiinnangortinneqarpoq. Amerlavallaaneq pigisaqalernerup nioqqutissat maanna amerlasuut tusind-kronerpassuarnik nalillit eqqarneqartussanngorput eqqarneqalereerpullu. Maanna apeqqutigiumavara sooq siusissumik nioqqutissanik inniminniinginnermi naalakkersuisunit siusissumik ilisimatitsissutigineqarsimannginnersoq nalunaarummik allannguilersaartoqarneranik.

Ilanngullugu ilisimatitsissutigineqarpoq naalakkersuisunit Ove Karl Berthelsenimit atsiorneqarsimasunit allakkiamut akerliusoqassappat sap. Ak. 4-it qaangiutsinnagit maalaarsinnaasut, taamaasiorsimappullu akissutisinatillu. Paaserusuppara suna tunngavilersuutigineqarnersoq akisoqarsimannginnermut.

Ilisimatitsissutigissuara ullut qulit qaangiutsinnagit akissutisinissara naatsorsuutigigakku.

Ikinngutinnersumik inuulluaqqusillunga
Aleqa Hammond, Siumut